

**LWINY MUTYE**

**I KUM**

**LEMBAGORA**

Lwiny mubedo otye ikum lembagora pi Oro mulwar, Ogemedere ii Podho Eden, Omedere asu i lembariba macon cil ilembariba manyen man i cakere pa Kanisa mi jukwenda, man kit ma e medere kudu wang aryo i Kajik nindo kapodi Yesu udwogo Ungu.

• **NYUTHUNYUTH.**

1. Lwiny muting oro malac ikum lembagora.
2. Pirango lwiny maeni? Ango ma pire tek ikum lembagora?

• **LWINY I KUM LEMBAGORA I LEMBARIBA MACON.**

1. Genogen maleng: Pini gwoko ngeongec mi lembagora.
2. Lwiny mi gwoko ngeongec mi lembe mapodi ju Israel ocidho ingeca.
3. Lwiny mi gwoko ngeongec mi lembe yongei ai ingeca.
4. Pimupim: Jubila mi ndra ku musana mi ndra.

• **LWINY I KUM LEMBAGORA I LEMBARIBA MANYEN.**

1. Yesu ku lembe: “ Kum egore kumae”.
2. Juyic ku lembe: “Lembagora uwaco ango?”
3. Cimocim i Kum koc ku kum lembagora.
4. Gwoko man konu / mio genogen maleng mi lembe ni thek mudong lubo.

• **LWINY I KUM LEMBAGORA I CAKERE PA KANISA (UDA PAKANISA).**

1. Ephesu: weko mer makwonga, lembe makwonga.
2. Smurna, Pergamu man Theotera: Mediri mi Rwinyo lembe makwonga.
3. Sardi man Philadelphia: Cako dwogo cen iwi lembe makwonga.

• **LWINY MA WANG ARYO I KUM LEMBE I KAJIK NINDO.**

1. Cam inindo ma kakare.

• **JAI I KUM LEMBAGORA I KAJIK NINDO.**

1. Lembagora utye yo woko ento ungo ii Kanisa.
2. Musana ku giranyutha nyo ke lembagora?

• **KANISA I KAJIK NINDO JUYUBU KU LEMBAGORA.**

1. Juyube calo mugole pi cware.
2. Juyube kara juthere mi cwar mugole: julwoke ku pi mi lembagora.
3. Juyube pi cingu idhu kom mi pokolembe pa Kristo.

• **KAYOKAC MI LEMBAGORA I KAJIK NINDO.**

1. Kodhi mi lembe.
2. Kodhi mi lembagora ubeci cego nyinge idhu kajik.
3. Ayi kayokac mi Kajik: lembe udoko kum.
4. Lembe ubedo idhok Kanisa mi Kajik nindo.

**NYUTHUNYUTH.**

**1. LWINY MUTINGO ORO MALAC I KUM LEMBAGORA.**

- Paru makwonga pa won ndra: Ni Rwinyo dhano ikum lembe makwonga.

Yoreacel ma pire tek ikum mange pini nyang maber ikum wilembe moko i Bibilia otye ni sayo ka cakere makwonga ma lembene ocako ku kakani ma etimere iie.

Sitani obedo ango ni ai ii acaki? Ja ndra (Yoh: 8:44). Piny ango makwonga ma eyero ndra ikume? Lembe pa Mungu.

- Epenjo lembe makwonga pa Mungu (Thang: 3:1)
- Epiemo lembe makwonga pa Mungu (Thang: 3: 2-4)

Ango mubedo dubu pa ngati makwonga?

- Eworo ungo man elokre cen ikum lembe makwonga pa Mungu (Thang: 2:16-17; 3:6,11,17).
- Lwiny mubedo kamedere asu ikum lembe.

Ni ai ii acaki, cil irundi mi lembariba macon, lembariba manyen, nitundu irundi mi cakere pa Kanisa nitundu kapodi Yesu udwogo ungo, lwiny matek ubedo ikum lembe pa Mungu.

- Jok obedo ka lwinyo ni cayo, thubo kind lembe kara enyoth lembe pa Mungu ku dhano ma gwoko, poko man yero lembe kara lembene ucungi.
- Dhano de kwero nyo ke jolo lembe man kwo calku lembe ne i jambpor maber.
- Tipo maleng ku dhano ma Tipo maleng oyeyo iwigi gibino ibang lembene.
- Tipo kipyem Kristo ku jupare sawa ceke otye Jadhu lembe man jadhu dhano mumaro lembe pa Mungu.

Kinde ma rundi omedere, lwiny de omedere itego madit ma bedo ku mar mi jolo lembe pa Mungu obedo ku miyere madit akeca.

- Ragedo ku masendi pi lembe pa Mungu (Mt: 13:20-21, Mk: 4:16-17)
- Ot kol man ringo ingom mange pi lembe (Nyutha 1:9).
- Tho pi lembe pa Mungu (Nyutha 6:9;20:4).

Etye ungo kende nia Dhano pa Mungu sago nikum lembe; lembe pa Mungu re masago iie gire.

- Kum gisago ngati marac nikum lembe (1 Yoh: 2:13-14)
- Kadok jacung Jakwang lembe jutwio iot-kol (Efe 6:19-20) lembe lund ju twio ungo iot kol (2 Tim: 2:9).
- I kind ragedo eno, lembe onyai umedere musago icakere pa Kanisa mi jukwenda (Tic 6:7;12:24), ku medere itego man aloci (Tic: 19:20).

## **2. PIRANGO LWINY MAENI?**

### **ANGO MA PIRETEK IKUM LEMBAGORA?**

➤ Tego pare

Lembe pa Mungu otye ku tego madit iwi ngom zo:

- Nikume, piny ceke ocwiyere man ocungu kakare (Zab: 33:6,9; Juebrenia: 1:3; 11:3, 2 Peter: 3:5).

- Lembe ne ebedo rondo ku rondo (Zab:119:89; Mt: 24:35).

Lembung mi tegu mutye ilembe otye Tipo maleng. Tipo maleng ku lembe gitye piny acel. Lembagora ceke otye ku Yuyo mi Tipo mi kwo mu ai ibang Mungu (Yoh: 6:63; 2 Tim: 3:16)

➤ Adwogi ne ingati muyio.

Lembe otye piny ma pire tek ni jayic. Kwo upe ka ni kum lembe ungo (Mt: 4:4).

- E nyolo yioyic (Rumi 10:17)
- E mio nyol manyen (Yoh: 3:5; 1 Peter: 1:23).
- E tek (Mt: 22:29; Jubre: 1:3).
- E timo ikwo pa Jayic (Rumi 1:16; I Tes: 2:13).
- E cego nying i Jayic (Kol: 1:5-6).
- E mio yot kum (Mt: 4:4; I Tim: 4:6; 2 Pet: 2:2).
- E mio jinyocwiny (2 Yoh: 2:14)
- Enyutho dubu ikwo mi dhano (Jubre 4:12-13; Yak: 1:23-25).
- Elonyo pidoic nyo adunde (Yoh: 15:3, 17:7; Efe: 5:25-27; I Pet: 1: 22).
- E kwo man emio kwo (Zab: 119:50; Yoh: 6:63; I Pet: 1:23).

Yo maber mi neon kit ma bero mi lembe otye kudu ikwo pa Jayic, ene mi poro lembe pa Mungu ku “mo kic”. Kum Biblia poro lembe ku mo kic (Zab: 19:9-10; 119:103; Ezek: 2:8; 3:3).

### **MO KIC I AYI LEMBE.**

Mo kic wel piny ne ulwar (Ai: 3:8; Thang: 43:11; Jer: 41:8) Pirango?

➤ Midu:

- Mo kic otye piny mamit (Riek: 24:13; Jude: 14:18)
- Mo kic mi lembe pa Mungu mit masago (Zab: 19:1). Midu pare copo lwoko kec-cwiny mir adunde mukadho kud imasendi mi kwo.

➤ Yot kum ma Nikum cam:

- Mo kic tye ku piny ceke ma mitere pi yot kum, gwok man jinyokum.
- Unjoka tio iwie upio man kum jolo mor ne upio.
- Eber ni awia (Isa: 7:15) man judongo (Mt: 3:4; Lk: 24:42).
- Etye cam maber mi roco (Kum man Tipo) adunde mutur ku matio.
- Etye kud adwogi maber tek jujebe ungo (Lapor I Pet: 2:2 cak ma kwonga mi lembe). Tedo kujebho cak nyotho moj cam mutye iie.

### **LWINY I KUM LEMBAGORA I LEMBARIBA MACON.**

➤ **GENOGEN MALENG: NI GWOKO NGEONGEC MI LEMBAGORA:**

Calo ma pidoic mi yik pa ngati marac obedo pini rwinyo dhano ikum lembe pa Mungu ma e woth gi kudu cen ku kum lembe, e Mungu uwok ku yik mi gwoko lembe ii agora. Pidoic pare kara ebed ku kite ma kud enyothre.

➤ **ISRAEL: Calu Suru).**

Jugeno Ju Israeli ku mugisa mi gwoko lembagora pa Mungu.

- Israel obedo ku mugisa mange nge mapol (Rumi 9:4-5).
- Mugisa acel musago wi mange ceke Jumio wec pa Mungu ikorgi (Rumi: 3:1-2).
- Juketho pi mugisa mi dwong maeno iwer (Zab:147:19).

Ebedo ungo kende mugisa maleng, ento ene genogen maleng. Israel Jugeno gi ku gin maleng pa Mungu ceke. Ene piny mapire tek tek ineno kabedo ma jugwoko iie lembagora makwonga. Jugwoko ikabedo maleng musago iwi ngom, ileng mi leng (Poi: 31:24-26). Kara egwokre maber, junyutho yore mapol mi copo icing. Julam, Ubimo man dhano ceke.

➤ Julam:

Juketho genogen ku twero man copo icing Julam, pini ponjo lembe pa Mungu man jugwok ngeongec mi lembe ne (Law: 10:11; Poi: 33: 10; Mal: 2:6-7).

Kadok ponjo cokri mi dhano ceke masago ne inindo mir Agba (Poi: 31:9-12)

➤ Jubim:

Jungolo ni Ubimo pi poyo wigi kare ku kare ku somo lembagora kara gi ngei lwoyo Yehova man timotim calku cik. (Poi: 17:18-20).

Joshua obedo ni lapor maber pa Jatela muketho lembe ii kabedo ne madhe.

- Kinde ma edoko jatela, Rwoth ongolo ire nia kud ewek kitabu mi cik (Josh: 1:7-8).
- Egwoko lembe maeni i adunde ne kinde ma ecako ka mako ngombe, kadok kwinyo ubedo dwong imako ngombe, Elund ekelo Ju Israel ceke i Shekem i dyere pa ngombe. Pirango? Kara ni ai ii acake mi mako ngom, Ju Israel owinj man ugwok lembe pa Mungu ikwo migi (Jos 8:32-35).
- I rundi mi tio pare, podi asu enyutho kit ma egwoko kudu lembe ma jungolo ire man ni dhano pare. Ecuku cwinygi ku Waco ya eromo gi miyiri zo ni lembe pa Mungu man gibed tek (Jos 23:6).

➤ Dhano:

Etye ungo nia dhano ulub Julam man ubimo migi. Ento dhano omako omiyere ni timo lembe pa Mungu (Poi 6:6-9).

Etye ungo nia lembe ugore iwi ban mi kidi, calo mi cik 10 man Joshua 8, ento eromo egore iwi ban mi ringkum mir adunde (2 Kor: 3:3)

➤ Dwoko tegu ikum:

- Tek tego mi timo tic ujwig, mo kic otye yo ma nyar upio pi dwoko keru, Rimo jole upio kende ma icame. (2 Sam: 17:29; I sam: 14:27-28).
- I kwoya man lwiny mi Tipo, mokic calo lembe dwoko keru mi piny ma mitere mi Tipo.
- Jamb yot kum mazo: (Gwoko kum).
- Mo kic mio ni kum gin ceke ma mitete mi cogo pini cwio rimo matar, ma ene rimo maeni re ma gwoko kum ni two man ukudi (Riek: 16:24)

- Eber ni cogo kende ungo ento ni kum zo, igyero kum kara ulwiny ikum ukudi ma mondo ikum man two.
- Mo kic mi Tipo ma ene lembe bi gyero kamwa ilwiny kud ukudi mi Tipo ma yenyo emond ikwo mwa.
- Keyo kum (Cangu).
- Mo kic gyero yot kum kende ungo ento ecango kabedo ma ukudi nyo two uturu iie gang man umondo.
- Doctors uwaco nia etye yath maber hai ni wang rem, woi kum, alsa, ku mange nge. Pirango? Ukudi kwo ungo ii umo kic mandha.
- Mo kic keyo wang rem ma mac uwangoen, kwio remo ni kum man ewodho kwir mi kic, kupino ku mange nge.

Kumenode mo kic mi Tipo:

- Wodho kwo ku kind ukudi.
- Ekeyo wang rem ma junwango ilwiny mi Tipo.
- Ekeyo rem mu ai kud ilak athero pa ngati marac (Efe 6:16).
- Kwiokum:
- Mo kic ongeire pi oro mulwar pi kwio ler mujony, ku gyero ne.
- Ekwio kum mukere mujony, man ka jujebe i cak ma mor mor ekonyo ju mutengini ni nindo.
- Yori Tipo, dhog ma wodho lembe ma calo mo kic (Riek:16:24; wer mi wer:4:11) Copo kwio wilembe matek ma dhano umondo iie. Wec ma calo mo kic utye ungo iwa, ento ecopo wok ku yor iwa de (wer mi wer 4:11).
- Eri-naka naka:
- Enyothre ungo, masagone tek ebedo ikabedo maber.
- Piny moko otye iie ma cero top, oketho jutio kude igwoko avu dhano iota vu ii Egypt, China cil kawoni i Burma.
- Poro kite:
- Foc madit ni ngati macopo yubo ku rieke pare mo kic, ma podi 30 podi utimere ungo. Kadok nwango jambe ceke jucoko ento ibi copo nwango jambie ma cango ne ungo.
- Erom ku lembe, jambie mange nen ungo ku wang piem etye Tipo maleng (Yoh: 6:63).
- Edwong, Nwangere kaka mi geno Ungo.
- Eton, epodho (1 Sam: 14:25-26) man emol (Ai:3:8; Yob: 20:17).
- Nwangere kama tek, icana (Poi 32:13), ingom langa (Mt: 3:4). Man kadok ii a poka (Okoru) lamvor mutho (Jupok: 14:8).

Matokcen, ni ai con ni tundo inindo ma tin, mo kic Jubedo ka tio kudu iyubo lengo mi kum. Kum eryemo bel ku woikum man vuja mabedo ikum udwel dhano.

Jam lwok mi pi mi lembe karacelo ku mo mi lembe karacelo giryemo joi, bel, woikum mi Tipo man eyubo mugole kara jubin juthyere ni cwar mugole ma poyo kadok bel de upe (Ef: 5:26-27).

Ngeng upe lembe pa Mungu otye piny makoya, ngeng upe ngati marac ulwinyo ikume makwe.

➤ **LWINY IKUM LEMBE KAPODI JUCIDHO INGECA.**

I rundi mi lembariba macon eno ceke, sitani obedo ka tembo ni timo piny ma etimo elar etimo kukwonga, ma ene ni wodho dhano cen ikum lembe pa Mungu. Ento Rwoth uketho ii adunde dhao moko ava mi gwoko man dwoko dhano wor ikum lembe pa Mungu. I kind dhano ne ma pigi tek kapodi jucidho ungo ingeca i Babeli obedo Jehocafat, Hezekia man Yosia.

➤ **Jehocafat:**

Kadok nwango Yehova obedo ku yik mi ketho dhano pare oponj cik ento nwango podi etimere ungo kadok isawa pa Asa ma wone kadok kukwonga de (2 Kei: 15:3).

Ento Jehocafat obedo kud adunde mi lembe pa Yehova (2 Kei: 17:3-4). En eketho cwinye ni dwoko ngeongec mi lembe pa Yehova ku ketho julam ma juponji kara giponj cik iwang kiew mi ngom ker pare ceke (2 Kei: 17:8-9).

Yo maketho lembe gwokre ikwo mi dhano mi nja ubedo upe ento yongeye elund eketho jupoklembe ku julam ma juponji pa cik ku bang wi jego man adhura matek ceke ku Jerusalem de. (2 Kei: 19:4-8).

➤ **Hezekia:**

Piny aryo ma Hezekia ingeire pire ikwo pare obedo Tipo man lembagora. Kwo pare eni copo bedo lubere ku bedo pare nyakwar jabila (2 Kei: 26:5; 29:1)

- Ecolo dhu wec ma Tipu mio ire ma udoko ni nget Biblia (Riek: 25:1).
- Woro pare kapor ne upe pien ekano lembe mi cik ii adunde ne man egeno Yehova. (2 Ubim 18:5-6). Lembe ku Tipo oribre karacelo ugamere i acaki mi Camoker pare.
- Erocu timotim mir Hekalo. Pirango? Nikum Tipo maleng omio wec idhu jubila inindo maeca, man lembangola mi wec pa Daudi ma ubedo calo nget lembagora pa Mungu (2 Kei: 29:15, 25).
- Ndhu yongeye eca, ecalo yub mi dwogo kende agba mi kadhu ku wijo ma dhano oweko ni kwiru (2 Kei: 30:1,5)
- Ni lubere ku Rwo ma edwogo ii Hekalo, Jubedo ka tio ku lembila ma agora, lembe mi jubila ma aweca mi karee ca man cik pa musa (2 Kei: 30:12, 16).
- Matokcen, eyero lemb juk mi Julawi ma juponji ku julam (2 Kei: 30:22), engolo pi wodho ku thero lam mathirithiri man ngatu man bedo ku maka piny pare itimotim mir Hekalo calku lembe pa Mungu (2 Kei: 31:2-4).

➤ **Yosia:**

I rundi pa Yosia, Tipu japyem Kristo ucoro cengni kara ekab ngeongec mi lembe pa Mungu cil ku rwinyo buku ne mazo. Ebedo rac musago ka julam ma juponji upe ingom (2 Kei: 15:3) cil buku kitabu mi cik pa Mungu de upe kum erwinyo!

Hezekia, ma obedo kwaru Yosia, madwong olar oketho tela mi ngom ugwokere ni kum lembagora. Ento tic pare maberne onyothre ni kum awia pare ku nyikwaye.

- Wod Hezekia ma Manassi, otimo gin marac iwang Yehova (2 Kei: 33:4-5,7). Kadok yongeye elund elokocwinye (2 Kei:33:15-16), piny aryo ma pigi tek eyiko kakagi ungo; sanduk mi lembariba ku kitabu mubedo (Poi:31:26) ingete.
- Kadok nyakware ma Amon de oyiko ungo (2 Kei: 33:22)

Kud ikind col piny mi rwinyo weko Mungu ni kum Ubimo, uwok der muryeny mi ngeongec ikum Mungu ni kum Ubimo ma arado ma Yosia. Tipu maleng onyutho lembe maber kai ikume (2 Yb: 23:25; 2 Kei: 35:26).

Edwogo kendo ngeongec murwinyo ku timo lembe kende ungo ento enwango kitabu murwinyo bende ii Hekalo. Ecasto nwango podi oro pare tidi.

- Ecasto ker kinde ma oro pare podi abora.
- Kinde mi oro 16, ecasto yenyo wang Mungu.
- I oro 20, ekabo ayi macwia ceke kud ingom Judah (2 Kei: 34:3) I acaki pare, kadok jabila Yerima obedo jakony pare (Yer: 1:3) timotim pare ceke obedo ka lubere ku lembe akana ma wijo mi kura kisoma pa Mungu migi pien kitabu ma ecopo kwano kara utel wie obedo upe.

Ka yongei oro 6, ka kitabu junwango (2 Kei: 34:14-16a). maeno oketho epongo yeny mir adunde ne mi dwoko dhano i bang Mungu makwo ku yor ilembe pare.

Timotim pa Ubimo ma lubere ku kethucwiny pare ikum kitabu:

- Ecoko judongo mi Judah man Yerusalem (2 Kei: 34:29).
- Emondo ii Hekalo ku Julam, Julawi man dhao ceke man ekwano igi lembe ceke mugore ii kitabu (v.3).
- Etimo lembariba kara ewoth itok Yehova ewore ko (v.31) ku kano lembe pare ceke ii adunde ne.
- Man eketho dhano ceke mi Yuda ku Benjamin ucungi ikum lembe ne ku woro Mungu pa kwaro migi.

Nwangiri pa kitabu odwoko dhano wor musago:

- Gimediri asu ku kabu gin ma judago, dwoko ngom leng. (2 Kei: 23:24; 2 Kei: 34:33).
- Yore ma jutimo kudu kadho ku wijo yongei nwango kitabu (2 Kei: 35:18)

Pirango lembagora uweco nia kadhuku wijo maeni obedo iyo ma akoya? Pien Yosia oketho timotim ne ulubere ku kit ma dwand Mungu ungolo.



- Ecako ku koko Julam ma juponji, ma giponjo lembe (2 Kei: 35:3a).
- Nia gibed calkud ungu migi mi Julam. Pirango? Pien maeno otye calku lembila ma Daudi ku Suleman uyero (v.4).
- Engolo ni Julam pini yiko Julawi ubed leng pi timotim calku lembangola pa Mungu (v.6).
- Kara githyer lam ku yore mukethre ilembagora (v.12).
- Juwer de Juketho gi calku wec mi lembila (v.15).

Josia obedo ngati mi kitabu andha.

- Kadok mumbe kitabu, etimo ku yoci ceke mi yiko yo mi dhano calku lembagora ma jukano ku wijo.
- Yongei nwango kitabu, etimo tic matek mi neon nia piny ceke man kubang dhano olubu yo mi lembe mugore ii kitabu.

➤ **LWINY PI GWOKO NGEONGEC MI LEMBAGORA YONGEI AI INGECA.**

Yongei rwombo Hekalo, kitabu mi lembagora de jucidho kudu i Babeli ingeca (Dan 9:2). Jagorcik ma ezra oketho adunde ne ikum gwoko man nyao wend buku ne (Ezra 7:6,11).

➤ **DWOGO MAKWONGA KUD INGECA:**

Buku pa Ezra thek 1-6 onyutho uda pa ju mulwar udwogo kud ingeca. Etimere nia ju mudwogo ne gi yenyoy man giketho kura cako bedo migi calku gin mugore ii kitabu ni kathere mi kwo migi (Ezra 3:1-4, 10; 6:18)

Ento ngeongec ku miyere mi timo lembagora eni omedere ungo ni thek mutuk yongeye. (Por Ezra 3:4; Neh: 8:14) oro 70 yongeye.

➤ **EZRA JAGORCIK:**

Ento Mungu obedo ku ngati pare ikind judwogo negi pi dwogo kendo ngeongec mi lubo lembe pa Mungu ikindgi, ma ene Ezra jagorcik ma e jatic iwi kitabu.

- Kinde ma ka eyiko gor mi lembe pa Mungu, jagorcik otye ngati ma neon ku bodho man ngio ya kubang nyigutu kubang ku bange thelembe negi olokre ungo obedo calo mu ai dhu Mungu.
- Calu ma Ezra otye "jagorcik"; maeno nyuthe calo ngati ma omio kwo pare pi ketho lembe ma kwonga pa Mungu re ma omedere ibang thek dhano mutuk.
- Ebedo ungo jagorcik ma jabodho kende, ento eyot ikum cik pa Mungu inyai ku medere pare man gwoke pir anyim (Ezra 7:6).
- Man eyubu adunde ne ni yenyoy lembe, kara ewore pire gire man eponj kudu dhano (Ezra: 7:10).
- Cil ikind thek dhano mange, Ezra ongeire calo ngati mi kitabu (7:11,14).

Ma lubere ku pidoic pare ikum baku, ku ngeng ungo Juhaudi gi yio nia ebedo jacok dhu wec mutye buku pa lembkei mir acel kud aryonde, Ezra man Nehemia man ecoko dhu buku mi lembariba macon.

➤ **EZRA JAGORCIK JATEL WI JUNGECA MIR ARYO.**

Rwoth Mungu oyabo yo ni Ezra ni telowi jungeca madwogo mir aryo ingom migi mandhe. Jumio ire ngol ku copo ceke ma etim kudu gin ceke mubedo ii adunde ne. ni neon nia woro Mungu otimere calku tego mutye ilembagora ingom zo (Ezra 7:23,25). Ndhu yongei dwogo, miyere pare iworo lembe obedo kud adwogi iwi dhano mubedo ingombe kum gimio kwo migi de i woro lembe (Ezra 10:3).

➤ **EZRA I AGBA MIR AGWARA:**

Kadok lembe mange upe ikum Ezra mungeire, cil ni tundu ikum Nehemia, pidocwiny pa Ezra onyuthre ikind dhano. Maeni otimere yongei cako gyero kathere mi gang kidi mi Jerusalem.

- Dhano olwongo Ezra ya okel man okwan kitabu mi cik (Neh: 8:1).
- Dhano owinjo kud ibange pi wang sawa malac (Neh:8:3).
- Gigyero kacungu ire kara dhano copo winjo ku bor (Neh: 8:4).
- Ginyutho woro madit ikum lembe mi kitabu (Neh: 8:5).
- Lembe umodno ithuth mir adunde gi (Neh: 8:9).

Kinde ma gibedo kawinjo, ginwango nia piny moko urem ma gibedo katimo ungo, macalo kwiru agba mi otbak (Neh: 8:14-15).

- Giworo lembe ceke man giwinjo lembe mi ngeng de (Neh: 8:17).
- Dhano ungeng nenedi ma kun ke agba mi otbak jubedo ka kwiro ni ai ikum Joshua (Lapor 2 Kei: 8:13; Ezra 3:4)?
- Pien ii agba maeni Ezra jagorcik obedo ka kwano lembagora mi kitabu ni dhano kubang ceng calku mukethre ma kumeno podi otimere ungo ni ai con-kum lubu lembe urwinyo.

Ento kende ungo ento:

- Yongeye nyanok giyubri pi winjo lembe pi saa mulwar (Neh: 9:3)
- Winjo lembe uroyo gi ikwong kud alam nia gi bitwotho icik pa Mungu (Neh: 10:28-29).
- Gitimo lembariba pi koiri ku nyomo nyig juwirok kara kud ucer gi ku woro sabatu, mio apaje man musoro pa Hekalo musago ceke kara gikwo calku lembe mi kitabu.
- Man gicikiri pi timo piny aryo (Neh: 10:34-36) calku mugore icik.

Andha, Dhano otundu ikum miyere mazo ikum lembe. Pirango? Nikum, wadi dhano macalo Ezra ni lapor iwa.

- Ngati mi Buku.
- Ngati ma ku kitabu icinge.
- Jagorcik mubedo ayika pi kitabu mi cik pa Musa.
- Ngati muyiko adunde ne pi sayo ii cik pa Mungu.

Ka wacopo bedo ku pidoic ma kumeno ikum lembagora, man pidoic mabedo kud adwogi pi jumange. Amen.

➤ **PIMA:**

**JUBILA MI NDRA MAN WANGO IJO MI NDRA.**

Kud ii acaki, wec ma agora obedo otye, Mungu obedo ka weco lembe pare ku yori ii Jubila pare maleng (Lk: 1:70; Tic: 3:21).Iwiny mi coro dhano cen ku kum lembe madha pa Mungu, ngati marac de ocwalo woko jubila pare ma giweco ithe tego mi Tipo mucido.

- Mukende bidho dhano kara olub tok Mungu mange (Poi 13:1-3).
- Jubila mi ndra mange timo musana ku giranyutha ma cwako ndra migi (Poi: 13:1-3).
- Mange mi kindgi de weco lembe inying Yehova (Poi 18:20,22).

Dhano ma jundra copo timo musana mandha? Biblia onyuthu:

- Nia Jop copo timo piny ma wangoic mandha (Yob: 1:16).
- Jukwenda pare de timo piny ithe tego madit (2 Kor: 11:13-15).

Lapor ma wangoic obedo ajopga pa Farao imisiri. Gitimo musana madha ma ugobi ungo.

- Ai 7:11-12 Loko uluth nidoko thwol,
- Ai 7:20-22 Loko pii madha nidoko rimo mandha,
- Ai 8:6-7 Gikelo ungal mandha iwi misiri.

### ➤ **JUBILA MI NDRA INGET KER MI ISRAEL MAN YUDAH.**

Tipo mucido pa jubila mi ndra onwangere ingom Israel ku Yudah ceke. Junyutho pigi ibuku mi jubila.

- Gitye gin mucido mu mer ku ngiri (Isa 28:7; Mika 3:5-7, 11)
- Tipo uromo gi, ento tipo mi ndra (Mik 2:11; Isa 9:15)
- Dhano moko ii uwic mir awondi migi (Hos 9:7-8)

Pirango wadi jubila eno otye?

- Kum Rwoth Mungu re ma ukonjo tipo mi nindo ma pek, man eumo wanggi en (Isa 29:10)
- Pirango? Pi timo pokolemba iwi dhano mukwero winjo lembe mandha pa Mungu (Isa 30:10)

Lapor aryo mi pokolemba mabinga.

### **(a) MIKAYA KU JUBILA 400 PA RWOTH.**

Uda maeni koyo kind juma keco pi winjo ku bang Mungu nyo ungo, tek ne tipo mi ndra otimo tic (1Ub 22:6-7,10,12-13, 22-23; 2 Kei 18:5-6,9,11-12,21-22).

- Ahab, Ubimo ma kite rac mi Israel, utye ilwiny ku cami (1Ub16:33).
- Rwoth Mungu uoro tipo mi ndra ku dhu Jubila pare ceke kara uwonde ecidh etho ilwiny (1Ub 22:20-22).
- Yehocafat obedo karacelo kud Ahab. Ahab obedo rac musago ceke ikind ubimo ento Yehocafat obedo atira ku Yehova niai ikum Daudi ma kwaru ne (2 Kei 17:3) en ubimo mi Yudah.
- Yehocafat obedo ku goro itio kud Ahab. Enyomo nya pa Ahab ni wode, nya pa Jezebel ma kite rac musago (2 Kei 18:1).
- I kasegu pare, eyio nia Ahab pi nicidho kude ilwiny.

- Jubila 400 uwondo Ahab ku nyiny Yehova nia ebi dwogo ialoci yongei ai ilwiny (1Ub 22:6).
- Tena, Jezebel ular unego jubila mandha pa Yehova (1Ub 18:13), ento cwinye ulund okwio ku jubila 400 maeni ma uewo inying Yehova ento ungo Baal. Ma wangoijo upe, tipo mucidho mindra copo weco kud idhoggi.
- Kadok Ahab jundra wonda, piny moko upe ma onyuthre ni Yehocafat won bedo mandha. Epenjo ka jabila mange upe ma pa Yehova (1Ub 22:7).
- Jugamo mikaya pi yero lembe mandha mu ai idhu Rwoth Mungu nia Ahab ubeci tho ilwiny maeno (1Ub 22:17).

Tipo mucido uwondo Yehocafat ungo calo Ahab ni kum bedo atira pare. Kadok en de ebodho kwo pare ento eyenyo ungo epokre kud Ahab. Ecidho kude ilwiny man eyio paliri pa Ahab ku kendi mi reya, en ke ebedo asu ku kendi mir Ubimo icidho ilwiny oketho cami ogeno nia ene en (1Ub 22:30) man gibino ikume pi nege.

Yeny pa Ahab pi juku lembila pa mikaya upodho. Ahab utho. Yehocafat uboth ku ywak ibang Yehova (2 Kei 18:3). Kadok n won bedopwe, etye lembe marac pini kwero nyutho nyuth mi telowic pa Yehova. Kadok ginwango bero mi gwok pare, eroom giwor telowic pa Rwoth kara kud gimond ii masendi ma kite upe.

### **(b) JABILA MUTI**

Lapormange mi kethocwiny iwinjo cuu dwand Rwoth otye ii uda pa Jabila muti. (1Ub 13:11,18,20,23, 25-26,29).

- Ewaco ni Jabila marado nia ende e jabila man nia malaika uweco ibange calku lembe pa Yehova. Ma tye ndra.
- Yongere mukoc, lembe mandha pa Yehova olund obino ibange man etimere.
- Kadok nyang iie yenyo bedo tek, ka nwango jabila ma arado olar obedo wor ni wec pa Mungu makwonga nwango ber ni kwo pare.

### **➤ JUBILA MI NDRA IDHU CIDHU INGECA MAN DAR PA KER.**

Jubila mi ndra olund unyai idhu kajik pa ker pa Juhandi ku cidho ingeca. Ngeo lembe ikumgi konyo wa pien marom ku maeno ubetimere idhu kajik pa Kanisa (Tingo Kanisa).

- Jamange giewo ni kum Baal (Yer 2:8; 23:13) ma kit dhano maeno copo ngeire opio ni jayic madha.
- Marac musagu, i lemb ndra migi, lworo nego gi ungo i lwongo nying Rwoth kadok lembe ne uai ungo ibang Rwoth Mungu. Wendgi dwong musago. Versi mapol oyeru pigi (Yer 14:14-15; 23:16,21,25-26,28,30-39;27:9-10, 14-16,18; Ywak 2:14; Ezek 12:24, 13:2-4, 6-9, 16,19,23;22:28)

Ango ma onyuthre ikum pidoigi man nyuthonyuth mi igi?

- Giewo inying Rwoth, giweco, “aleko lek”, “aleko lek”.

- Gineno gin mawokiwang mi ndra man lembila mi ndra ma abombi manano, “Rwoth Yehova owaco” ma nwango Rwoth ke uoro gi ungo, “Rwoth owaco”, ma nwango ewaco ngo.

### **LWINY IKUM LEMBE I LEMBARIBA MANYEN.**

#### **1. YESU MAN LEMBE: “EGORERE KUMAE”.**

Ka lembe obedo ka telowi dhano pa Mungu i lembariba macon, ci ,a ngeng upe, lembe otye ikwo pa Yesu, lembe odoko ikum (Yoh 1:1,14).

Ebedo ka nwoyo iwec pare kinde ma ka erombo ku judhoge mubedo ka penje iponji pare. Lapor macalo:

- Kinde ma ebedo idhu cam iot pa Matayo (Mt: 9:13) (Hos:6:6).
- Kinde ma julub ujako jang cam icing Sabbatu (1 Sam 21:3-6; Wel 28: 9-10) (Hos: 6:6)(Mt: 12:3,5,7)
- Kinde ma eweco ku Japoklembe ma Jalawobi (Lk:10:26).
- Kinde ma giyenyo gicanye ku kidi (Zab 82:1,6 Yoh 10:34-36).
- Kinde ma jupenje pi pokri pa gyer (Thang 1:27)(Mt: 9:4).
- Kinde ma Judong dini giyenyo Jubed ling icing mondo pare ku yung i Jerusalem. Zab 82:2 (Mt: 21:16).
- Yongei lembabola pa Jatic ipodho mir olok munego wod podhu Zab: 118:22-23 (Mt: 21:42).
- Penji muwok ikum cer Ai: 3:6 (Mk:12:24,26-27).

Yesu otiyo ku wec mi dhoge kende ugo itimo lwiny ku judhoge. Etiyo ku jambali marom iyomba. Kinde ma jok onyutho tego pare mayori tipo, Yesu otio ku jambali matek musago ceke iwi ngom maeni, ma ene lembagora.

- I abidhe pa Yesu makwonga, Yesu owodho Poi: 8:3 (Mt: 4:3-4).
- I abidhe mir aryonde, kinde ma jok otimo ku tego madit ma etingo ku Yesu etero iwi usimburu mir Hekalo. Kum jok otiyo ku yo manyen. Yesu owodho (Zab: 91:11-12), man kendo Poi: 6:16 ( Mt: 4:5-7).
- I abidhe matok cen, jok otiyo ku tego mi yore matung. Kum etimere nenedi ma nia jok tero Yesu iwi got ma wiu man nyutho ker ceke mi ngom ku dwong ne? Yesu oryemo jok ku ku wodho (Poi: 10:10, Mt: 4:9-10).

Ngei nia;

- Tipo re ma otelo wi Yesu otero i Yamba itego (Lk 3:22;4:1).
- Edwogo kud i Yamba de ku tego madit (Lk: 4:14).
- Tego eno obedo kanyuthre nenedi? Ni kum weco lembagora.

Ento;

- Gineno gin mawok iwang mindra ku yero lemb ambombi mi pidoigi gigi.
- Giweco lemb kasegu ku euwu lembila mi ndra pi kwioycwiny ma nwango kwioywiny upe.

- Gicidu nying Rwoth pi ngano mukero mi pong cing man lungu mugati, kara giwond kudu dhano migi.
- Gi calo utho mi yamba.

Jubila mi ndra enu jubedo ka bombo gi nenedi?

- I ayi marom calkud uda pa Jabila mikaya ku Jubila 400. Rwoth Mungu ubombo gi (Ezek: 14:9).

Dhano ke juwondo nenedi maketho giwinjo gi?

- Pien giyenyo giwinj ku bang jubila mi ndra ento ungo lembe mandha ma ai ibang dhano pa Mungu. (Jer 5:31) Ebi timere kumeno idhu kajik ka podi Yesu udwogo ungo (2 Tes 2:10-11; 2 Tim. 4:3-4)

➤ **WACOPO NGIO MANDHA KU NDRA NENEDI? NGANO KUTHATH.**

Calo polne ceke ulwongo nying Rwoth, wacopo ngeo maber mi kindgi nenedi? Ndhu ku lembe pa Mungu. Biblia onyutho yo aryo mi ngeogi.

- Mt: 5:11-12 wel dhano migi.
- Mt: 7:20 Ku nying gi ma gicego.

**(a) WEND DHANO MIGI**

Wacopo poro jundra eno gi nenedi ku Yeremia (Jer 5:31) kadok juyik mandha obedo ka jolo Yeremia, ento re ebodo ku wend dhano madwong de ungo, ka jupore ku pa jubila mi ndra. Ju dhoge ubedo dwong.

Jadhu Jeremiah ma jabila mandha:

- Yer 18:18 - Dhano mi Judah man Yerusalem.
- Yer 26:8,11,16, Julam ku Jubila.
- Yer 28:1, 5-6, 8-12, 15,17 Hanania ma jabila.
- Yer 29:1,8,15,19,23,24-27, kadok jubila mucidho ingeca i Babeli.

**(b) NYING GI MA GICEGO.**

Kit jubila ma nenedi mubedo jundra isawa pa Yeremia?

- Ywak 4:13 Judubu.
- Yer 2:26 Jukwo
- Yer 6:13,8:10 Jukethwiny hai man jundra.
- Ezek 22:23 Juyec ayeki calo Umvor.
- Yer 23:9-15, Ayi Mungu umbe kugi, kitgi umbe, Jutim gyer man jundra.

**2. JUYIC KU LEMBAGORA.**

Lembagora owaco ango?

➤ **DHANO MA KUD AYI MUNGU I LEMBARIBA MACON**

I lembariba macon, lembe obedo i cwiny Juyic ma e:

- Zab 1:2 Nyame kendo kendo, calo dhyang munyamo cam.
- Zab 119:11 Kane ii adunde pare.

- Zab 119:31 Moko ikume.
- Zab: 119:20 Sayo kakare sawa ceke.
- Zab 119:13 Saye ma dhoge ayaba.
- Zab 119:72 Piretek masago mola makwar ku matar.
- Zab 119:162 Mutoro nege ikume, calo ngati munwango lonyo madit.

Ni Juhaudi, lembagora otye ku ngol iie musago ceke. Timotim migi lubere ku; calo ma egore, calo ma egore ii kitabu mi lembariba, calku ma egore kudu ibuku mi cik. Piny ceke omako olubere ku kit ma lembe ogore kudu.

- Kapodi Jucidho ingeca Ungo (Iapor Hezekia, 2 Kei 30:5;31, Yosia 23:21, 2 Ub.)
- Ju mular udwogo mir acel kud ingeca (Ezra 3:2,4,10;6:18)
- Ju mi ngeca mudwogo mir aryo (Neh. 8:14-16; 10:34)
- I lembariba manyen, mapodi gilokri ungo (Tic 17:11; 2 Tim 3:15a).

Maeni ceke dhogo cokre calkud jabila Isaya (Isa 8:20;34:16)

➤ **DHANO MA KUD AYI MUNGU I LEMBARIBA MANYEN.**

Ebedo marom kende ii lembariba manyen. Juyic gikeco ni kwo calku lembe mugore ii Biblia, kara ugwoki man ngeongec pa Biblia umedere man Biblia ne de ugwokere.

Juyic (Jukristo) ma kwonga obedo Juhaudi masago ne. Yongeye, kinde ma lokocwiny ocako timere, kagi ceke gigwoko pidoic migi ma kum lembe ma udongo gi. Lapor, Apollos. ...” Engeo lembagora dit ... enyutho iwang dhano ku lembagora nia Yesu ene Kristo”... (Tic 18:24,28).

Marom, Paul, calo Yesu, otiyo ku lembagora pi mio tego ikum ponji pare.

- Tic: 17:2 i kacokeri i Tesalonika.
- Rm: 4:3 Maram lembe mawinjo gonyere kudu ku yioyic (Tang 15:6).
- Rm: 9:17 igoyo nying Ai: 9:16
- Rm: 10:11 Bedopwe ni kum yioyic (Isa 28:16)
- Rm: 11:2 Anyim pa Israel (1 Ubimo 19:10)
- 1 Kor 15:3-4 Lembila pi tho ku cer pa Kristo.
- Gal 4:30 lubu tok cik ungo (Thang 21:10).
- 1 Tim: 5:18 imio yung ni ju mumule ku tic mi lembe (law 19:13)

Paul oketho cwinye ikum lembe cil inindo mi kwo pare. I ot kol, kinde ma ekuru pokolembe pi tho pare, kwaokwac pare madit musago wi piny ceke otye Biblia pare.

“Koti ... bin kude kan ibino ...ku kitabu, masago ceke waraga 2 Tim: 4:13.

**3. CIM PI WEKO LEMBE.**

Kadok ii cakere pa Kanisa,

- Jumange nwango dong uweko yioyic, kathere pa lembe (1 Tim: 6:10,21; 2 Tim: 2:18).
- Weko lembe madha kende ungo ento ponjo lembe matung ku lembagora (1 Tim:1:3,6-7,6:3-5).
- Ponji matung kende ungo, ento pimo ponji madha (1 Tim: 1:19-20; 2 Tim: 2:25;4:5) Muketho maeni timere obedo ni kum mar ikum sente (1 Tim: 6:10, 2 Pet: 2:1-3) Ento thelembe mange ma yori itipo de otye.
- I lembariba macon, ineno tipo japyem Kristo obedo ka wodho dhano ikum kathere mi lembe cil ku kabu Biblia de.
- I lembariba manyen de lembe marom ma tipo japyem Kristo otimo lembe ma thwol otimo, i tipo mir awondi. Ewecere ungo idhu juma woko, ento cil idhu juponji ma ponjo ii Kanisa.

Cimocim pi tipo mir awondi ma ubisagre ikind dhano.

- Tipo upoyo Paul pi dhano eno gi mabi bino (1 Tim: 4:1-2a).
- Paul upoyo judong Efeso pir urudi makisa upe kugi (Tic: 20:28-31).
- Kukwonga, Yesu ular onyutho pi pidoic pa urudi (Mt: 7:15-23).
- Ku yowoko, ginen calo urombo, ento iigi urudi muwor (Mt: 7:15).
- Gisagu bedo juyer lembe nyo juponji, giweg tego mi bila man gitimo musana madit mi tego (Mt: 7:22).
- Gi pa Mungu Ungo, ento jundra (Mt: 7:15). Kadok gitimo tic migi inying Yesu (v.22), gipare ungo (v.23).
- Yohana de yongeye, oweco pi tipo mi pajogi ii Kanisa mi sawa pare, ma gibiyenyo giew, ithe tego pa tipo inying Yesu (1 Yoh:2:18; 4:1-3).

Ma wangoijo upe, Jude de okwao ya dhano umoki ikum yioyic makwonga ma omiyere wang acel pil (v.3).

Asu asu, Biblia ocimo ya weko yioyic makwonga bijik ungo isawa mi lembariba manyen man ebidoko rac masago (2 Tim: 3:13), masago ne kacenge odhingo.

- I kajik ceng, nindo mi can biwok ma juyic biciru iie ponji mi lemadha ungo (2 Tim: 3:1-8)
- Gi biciru ponji malili ungo, gi kwero lemadha (2 Tim:4:3-4).
- Ebi bedo ni jai ikum lembe mesago ne idhu kajik ceng (2 Test: 2:3)
- Ju biwodho Yesu woko kud i Kanisa pare (Nyu 3:20).
- Etye lembe matek ka Yesu de upenjo ka nyo ebinwango yioyic ingom ka edwogo (Lk:18:8). Paul ugamo penji eni nenedi?

#### **4. JUGWOK GIRAMUNGA MI GENOGEN**

##### **➤ GIRAMUNGA MI GENOGEN I LEMBARIBA MANYEN.**

- I lembariba macon, lembe pa Mungu juketho ikor Juhaudi calu jugwok mi lembe ne kara ekobre ibang thek mange (Rm. 3:1-2).



- Marom de, i lembariba manyen, lembanyonga mi both mi dwong pa Mungu juketho ikor Kanisa I jukwenda icing dhano ma jumiru mandha. (Tim: 1:11). Ma gibedo jukur piny (1 Kor: 4:1-2; 2 Tim: 1:7).

➤ **PAUL OKETHO LEMBE IKOR TIMOTEO.**

Paul otio ku copo pare pi gwoko man ponjo lembe mi giramunga mi genogen ni lembe ma pire tek musago (2 Tim: 3:10-11, cil ikajik mi tho pare (2 Tim 4:7,11). Ento kinde ma sawa uromo mi tho pare, (2 Tim 4:6-7) ecopo weko “wec” pa Mungu mapire tek kumeni ma juweko ikore ni kum genogen ibang nga? Ma lembila olar onyutho nia dhano biweko lembemadha.

Elund efoyo nyathin pare mi yioyic, Timoteo, calo jakur piny mi lembe makwonga. Ene foc maber:

- Elar enwango ponji mi lembe makwonga ii nyathin pare (2 Tim 1:5,3:15)
- Yongei lokri pare, ebedo ithe ponji ibang ngati ma jugeno ku lembe man jagwok ne (1 Tim: 4:6b, 2 Tim. 3:10).
- Paul oweke ii Efesu kinde ma peko mi ponji marac obedo keca, kara ekth lembe madha ocungi iigi (1 Tim.1:8,4:15-16, 6:13-14;6:20a).

Kinde ma Paul cengni weko ngom, ma dhano ma recu usagre saga, eweko cimocim mi lembe ni Timoteo i waraga pare ma tokcen.

- Ni kiedo lwiny maber mi yioyic makwonga (1 Tim 6:12) calo en de ekiedo lwiny cil ikajik ne (2 Tim 4:7).
- Ni kwo ku rieke, mi cac cilo ma nyao lewic inyuth pa Kristo calo Paul de obedo ku tegocwinye idaro tic ma Mungu oketho ikore (1 Tim 6:13-14; 2 Tim 2:15).
- Ni gwoko lembangola mi lembe (2 Tim 1:13-14; 3:14).
- Ni ponjo, timo tije, thokothok, twinyo twiny kara edar tic ma juketho ikore. (2 Tim 4:1-5).

➤ **TIMOTEO UMI LEMBE NI JUMANDHA MANGE.**

Ebedo ungo ni Timoteo pi gwoko lembe ku ponje kende, ento mio lembene bende ni jumandha mange ma copo mio ni jumange bende.

- Calo Paul uponjo Timoteo, e kumeca de Timoteo otim ni Jumange kara lembe umedere (2 Tim 2:2).
- Judong Kanisa ma eketho omako ogwok yioyic makwonga (1 Tim 3:9) calo jugwok mi lembe pa Mungu (Tito 1:7a), ma copo ponjo jumange (1 Tim 3:2).

➤ **TIMOTEO COPO PONGO YENY ENI NENEDI?**

Ecopo pongo yeny ma juketho ikore ne nenedi? Mio giramunga mi genogen, Jakurpiny mi lembe pa Mungu? Kum lwiny obedo ka sagre ikume ni kum lembe ii ayi.

- Ebedo nindo mi can (2 Tim 3:1)
- Kum Ragedo ni cengni (2 Tim 3:12)
- Ebedo lwiny madha (1 Tim 6:12).

- Ene lwiny mutimere ma gingeo (1 Tim 1:18b)
- Judhoge obedo yor itipo de (1 Tim 4:1-2; 2 Tim 3:8)

Ento kadok jukwoje otye yor itipo, jambali mi lwiny ma tek apia mi tipo de tye:

- Gwokri ikum dwand Tipu (1 Tim 4:1).
- Tego ma nwangere kud idwand Tipu (2 Tim 1:18019a)
- Bedo pa Tipu ma yor iic (2 Tim 1:13-14\_
- Giramia pa Mungu matye iie (1 Tim 4:14)
- Tipu mi tego (2 Tim 1:6-8)
- Gony mi Tipu (2 Tim 3:11)
- Cungu pa Rwoth gikude (2 Tim 4:17)

Ma omako Timoteo otim ku jambali eni gi maber.

- Omako eyau giramia ne (2 Tim 1:6).
- Kud igal ku giramia ne (2 Tim 4:14)

Lwiny ne copo bedo tek, ento piny moko upe ma cungu jadhu ngati ma Mungu owiru ku Tipu maleng. Kied lwiny! Mak lembe ki. Ponj lembe. Mi lembe ni dhano.

## **LWINY I KUM LEMBE I ACAKE PA KANISA**

### **1. EFESU.**

➤ **WEKO MER MAKWONGA, MI LEMBE MAKWONGA.**

➤ **RUNDI MI KANISA MAKWONGA.**

Kanisa 7 mi lembanyutha 2-3 tye kud lembila mir uda pa Kanisa mi lembariba manyen ii kacungu matung tung cil idwogo pa Yesu.

Kanisa mir acel, Efesu, oting kind oro 60 mi cakere pa Kanisa isaa mi lambariba manyen.

Kanisa makwonga mi jukwenda jupidho gi iwi lembe ni kum Paul.

- Lembe juyero igi adha ndha (Tic 20:20,27; Rom 15:19, 2 Tim 4:17).
- Ponji ne obedo ni kum nyuthonyuth pa Mungu, dhano ngo (Gal.1:12)

Ento i waraga pa Efesu, ma jumio ibang Yohana yongei oro moko mukadha kinde ma Paul uweko Efesu, Yesu ocimo Kanisa nia gitye karwinyo kacungu migi ma yang gimako kudu lembe kutego.

- Efesu onwango yung ma kud amora (2:2-3,6).
- Ento, epodho, wie wil pir ka ma eai iie manango ma etim (2:5).
- Thelembe ne otye ango? Weko mer makwonga (2:4).

➤ **WEKO MER MAKWONGA.**

Ango mutye mer makwonga? Enyuthre nenedi? Biblia Waco ango?

- Mer pa Mungu ene ni “gwoko” lembe (Yoh 14:15,21,23, 1 Yoh 2:5;53)
- Mer pa Mungu ene ni “wotho” ii lembe makwonga (2 Yoh v.6; 1 Yoh 2:24)

Muweko lembe maber ii Efesu, gidaro weko mer makwonga, ma omako;

- Gilok paro migi gidok i Kama giai iie (2:5).
- Gilok gitim gin ma gibedo ka timo ku kwonga (2:5)

Jucopo waco, nia gidok cen ka timo lembe ma jupidho iigi ku kwonga.

Mic ma ni jumuloyo pire tek: camo kum yen mi kwo (2:7).

- Camo kum yen eni ocako rwinyo nenedi (Thang 3:22-24) pien mugole pa ngati makwonga owinjo ungo lembe makwonga pa Mungu (Thang 3:1-4). Jubombe ewinjo lembe mange pa thwol.
- Paul de obedo ku lwordo ikum Kanisa makwonga pa Jukwenda, ma tye mugole pa ngati mir aryonde (Yesu) (1 Kor. 15:47), de jucopo winge ni winjo dwand ngati mange (2 Kor 11:2-3).

Jumuloyo moko ki ikum lembe makwonga. Sukulia migi otye ni camo kum yen mi kwo mutye i paradiso pa Mungu.

Manyayo can, olund otye nia dhano mapol otye mandha ngo i kum lembe makwonga.

Mediri asu ku weko mer makwonga olubere asu ii Kanisa 3 mulube, irundi pa Kanisa mi jukwenda.

## **2. SMURNA, PERGAMO MAN THUATERA MEDERE PA RWINYO IKUM LEMBE.**

Yongei rundi mulubu, there there wang 3 irwinyo ikum lembe, Kanisa olokri ikum lembe magwei cil ma Biblia de ju mayo kud ibange.

### ➤ **PONJI MI JUNIKOLAI**

- Kura tim pa Junikolai odoko ni ponji (Nyu 2:6,14)
- “Nikolai” thelembe tye “Bimo wi jutela pa dini ku tego “ (tela Marach) Mungu dagu.
- Jukwath mandha bimobim Ungo, ento gi jutim (Lk 22:24-26, 2 Kor 4:5, 1 Pet. 5:3)
- Nikolai lund ukabo telowic pa Tipo i Kanisa ento ketho tela mi ngom mi yeny mi kura kwath pa dhano.
- Junikolai ubimo Kanisa ceke ma gamente de ocwako gi ku mio tego igi i oro 325 AD i Nicene.
- Yongei maeno ci, ju cako diyo Kanisa kud i kabedo acel.
- Kadok ju dini mi Protestant udwog ungeny, pini cingu iwi tyende, ewok ku lembe mi junikolai madwog.

### ➤ **PONJI PA BALAAM.**

Tek kura telowic mi kwath pa junikolai ocungu i Kanisa, iponji migi gimio tego iponji pa Balaam, lund jebo Kanisa ku tic mi ngom ketho Kanisa rwinyo koiri pare, dwokrileng man mugisa pa Mungu. Uda pa Balaam utye iwel 22-25 man enen kumae:

- Jukwor pa Israel copo voyo dhano pa Mungu ungo (wel 22:6), man giyenyo yori mange, gipenjo Balaam pi bino lamo alam.
- Ene jabila mi ndra ma yenyo etim man ewechi inying Rwoth (wel 22:8,13,18;23:3).
- Balaam oyubre ni tembo ni ngolo kwong iwi dhano pa Mungu pien ebedo kamitu sente man yung (wel 22:27,2 Pet 2:15-16).
- Kinde ma timo ne uvoye, (wel 23:23), kara enwang sente ne, elund emio paru marac ni jukwor ma ene rieke ma ketho Israel jebre ku kura tim ku woro mi thekdhano mange. (wel 31:16; Nyu 2:14).
- Jolo sente nyutho nia rwinyo mugisa pa Mungu.

### ➤ **PONJI PA JEZEBEL**

Ponji pa Jezebel (Nyu 2:20,24), ene ni mio tego ikum Bim pa Junikolao. Tio ku keru pa Jubim ngom (gamente), kara judii dhano “jol ponji mi ndra. Dhano ma mitu lembe makwonga mandha ke julund junyao ragedo ikumgi nyo ke tho.

Muketho julwonge kumeno ponji pa Jezebel, pien gin ma en ku pacu pare otimo ingom Israel.

- Ethubo jatel wi ngom ni timo gin marac iwang Mungu (ubim 21:25).
- Emedo jubila ku juponji mi ndra ingom Israel musagu (1 Ubim 18:19).
- Dhano ma gwoko lembe mandha pa Mungu ebedo kanego (1 Ub 18:13,19:1-2;21:1-16).
- Nyare ma Athalia onego kodhi mi ker, thekpa Yesu (2 Ub 11:1).
- Jalwode udiyu dhano ku timo tarwang ma ene ponji mi thekdhano mange (2 Kei 21:11).

Adwogi ne marac obedo ungo iwi ponji mi Biblia kende, ento cil Biblia ne de mi dhok mange nge jukwero man ju wangu. Nyoth ulubre asu ni ai ikum rundi pa Efesu nitundo ikum Thuatera ma dhano umondo iponji ma thuth pa jok (Nyu 2:24).

### **3. SADRIS & PHILADELFIA.**

#### **CAKO DWOGO IKUM LEMBE MAKWONGA.**

Rwoth Mungu ocako dwogo Rwonglembe maber ikind oro (1600C)Elifu acel dak abusiel, kinde ma Biblia ocako dwogo ibang dhano man lemadha ocako ngeire ni dhano pir atima.

#### ➤ **SARDI**

- Alokaloa madit ocako dwogo ii dhano pi tio ku Biblia, medo wend Biblia idhok matung tung ingom Europe (ngom pa ju matar “mundu”). Dhano mapol junego man junyao ragedo ikumgi pi goyo buku, nyao nyo bedo ku Biblia pirakwana.
- Karacelo ku maeni, ngeongec mi lemadha ikum Yesu ocako dwogo ii dhano nia lembe ma wijo gonyere ni kum yioyic ni kum bero ento ungo tic, kara jukwer kura julam pa Ju Nikolao.
- Ento dokcen ikum lembe makwonga otimere ceke ungo. Oketho Rwoth ojuku cwinygi pini kotho gin mudong ocungi (Nyu 3:2-3).

#### ➤ **PHILIDELFIA.**

- I kind oro 1800/1900C. yepocwiny omedere asu ikind ngom Europe kud America irweyo lembanyonga cil ingom mange nge.
- I sawa maeni ngeongec ma nia Yesu otye won dwokrileng mwa ni kum Tipo maleng ento Ungo ni kum Tic man koin ku ngom udwogo ikwo mi dhano.
- Dhano ocaiko nyang mathuth ikum Tipo maleng, dwogo pa Yesu mir aryonde man keyokum.
- Irundi maeno goyo Biblia idhok matung tung 550 otimere ma upokre ingom mapol.
- Jupako ju Philedelphia pi gwoko lembe pa Mungu (Nyu 3:10).  
Jujuku cwinygi pi ni mako lembe ki ma gikur kudu sendri ma obino ikorgi kapodi Yesu udwogo ungo. (Nyu 3:10-11).

Maeni pire tek pien Yesu cengni dwogo kum muloic ku ragedo madit bi kotimere be. Lendokia lund nyutho ayi rundi ma Kanisa bineno man jai ikum lembe mandha (2 Thes 2:3; 2 Tim 4:3-4), Yesu de bi wok woko yongei Kanisa pare (Nyu 3:20). Ento jumadha bimoko ikum lembe.

## ***MEDERE PA LWINY I KUM LEMBAGORA MA WANG ARYO I KAJIK CENG.***

### ***1. KWEN I SAA MA KAKARE.***

#### ***➤ MIO CAM NI ROMBE.***

- Twero madit musago ma Mungu omio ni judong Kanisa otye mio cam ni Rombe. (Yoh 21:15,17; 1 Tim 3:2; 5:17; Titu 1:9).
- Ento re, mapodi elar emio woko cam ungo, jatela omako olar ojol cam eyeng de (1 Tim 4:13).
- Emi cam mi kit Kwen manedi? Lembagora (Bre 13:7).
- Kwen mi lembe pa Mungu mitere dit pi dongo, yotkum man kero mi loyo lwiny piny makelo nyoth (1 Yoh 2:14).
- Kwen ma jumio omako ebed maber; cak jumio ni arado mi yioyic, cak ma ajeba ku pil ungo (1 Pet 2:2); Kwen ma tek Jumio ni ju mutegni iyioyic (Bre 5:12-14).

#### ***➤ MIO CAM ININDONE.***

Cam ne otye ungo ber kende ni jawinj idongo mi tipo. Ento umako ebed ber ni sawa ma watye ka kwo iie. Jukwath omako obed calo nyithindo pa Isakar ma obedo “weg ngeongec mi nindo, kara ginyuth gin mumako Israel otim” (1 Kei 12:32).

Yesu owaco nia jakurpiny mariek man mandha mio camo i kanindo ne (Lk 12:42). Nindo maeni ene kajikceng. Ka kumeno kit kwen / lembe ango mumitere pi nindo ne?

- Ma nyutho pi lembjai pa Jukristo mangi ikum Kristo i nindo mi Kajikcen.(2 Thes 2:3; 2Tim 3:1-8;4:3-4; Lk 18:8; Nyu 3:20).
- Ma copo dwoko dhano ikum lembe makwonga, ketho gibedo ayika pi dwogo pa Rwoth Lk 1:17, Nyu 19:9)

Inindo maeni, Jukwath omako one nia gimio cam makilili ma cuu masago macon (Jude 3).

Lwiny ne bibedo keth wek wakied lwiny calo julukara pa Daudi ma gigwoko cam ni Israel kinde ma jukwor obino ka yako. Doko acel ku pala mularu mi Tipu, lembe (Ef 6:17), cil calo Eleazar udoko acel ka pala mularu pi lwiny gwoko cam (2 Sam 23:8-10; 1Kei 11:12-14; 2 Sam 23:11-12).

Calo Paul,

- Kiedo lwiny maber mi lembe cil ikajik ne (2 Tim 4:6-7).
- Ento mitu jumi ni urombe lembapora pa Mungu ceke (Tic 20:20,27)

Bedo mandha ikum lembe bibedo ku faida madit. Kanisa madha bibedo acel ku lembe, ribri ni yioyic, ma yamo thoru kum ku kun ungo. (Efe 4:13-14) kara eyubre pi kuru mugole ma nyinge lembe pa Mungu (Nyu 19:13).

## **2. MUSANA MAWANGOJO NYO LEMBE?**

Lembjai mi Kanisa ikajik ceng eni jucopo lwenyo ikume ku lembe kende ungo ento musana de. Etye yo ma Rwoth piedho kudu Kanisa. Kanisa bilubu musana nyo lembe?

➤ **SAGRI PA TIPO MIR AWONDI, JUBILA MI NDRA, MUSANA MIR AWONDI.**

Tipu mi jai mi kajikceng ii Kanisa ubecibedo kud adwogi marac. Jai yabo yo ni ndra.

Kadok inindo pa Paul, Ecimo pi ponji mi ndra ni kum pajogi (1 Tim 4:1). Ndra bibedo rac musago ka podi Yesu udwogo ungo. Ebinyuthre i jabila, juponji mi ndra ku musana mir awondi.

- Yesu olar onyutho pi ndra ma biwok (Mt: 24:3-4).
- Jubila mi ndra bi wondo dhano dupa (Mt 24:11).
- Musana macopo winjo cil ju ma jugoyo nyingi (Mt 24:24).
- Lembe migi biwangoic juyic bende (2 Tes 2:9-11).

Lembe ma nyotho wic musago otye nia lembila ku musana eno ceke otimere inying Yesu, ma ginyuthri nia gi julub pa Yesu ento ungo julub pa Mungu mange.

- Dhano ma yenyo ya gitel wi dhano itok Mungu mange pol migi timo musana (Poi 13:1-5).
- Etye lemb ndra musagu pini weco inying Yesu (1 Kg 22:5-7,11).
- Yesu ular ucimo dhano pi lembndra, timotim ma wangoijo man dupa bi timo inyinge (Mt 24:5;7:22).
- Paul onyutho pi dhano ma bibedo jadhu lemandha ku giranyutha ku musana macalo jurwo ni ayi macwia mir jumisiri mayang ujai ni musa ma won lembe mandha pa Mungu (Ai 7:10-12; 7:20-22; 8:6-8; 2 Tim 3:8).

Ento apokapoka madit otye ikinde. Ma ukoc ku kit pa ju magic, dhano ma bibedo judhu lembe ma Paul oweco pigi, otye dhano ma binyuthri ni bedo juyic mandha (2 Tim 3:5).

➤ **WACOPO NGEO GI NENEDI? JUPIMU KU LEMBE.**

Pirango Rwoth oyio jubila mindra ku musana mi ndra otim tic inyinge? Jucopo ketho bal ungo iwi dhano tek juwonde ii ayi maeni?

Maeni timere pini pimu dhano ma lwongere Juyic. Ango ma tye makwonga? Giranyutha nyo lembe?

Musana ku giranyutha ma wangoijo, kadok ebedo mandha otye ungo lanyuth pa dhano pa Mungu. Jok ku jupare copo timo piny ma wangoijo (Poi 13:1-3; Yob 1:12,16; Mt 4:5,8, 2 Kor 11:13-15).

Yesu ocimo dhano pi yenyo giranyutha (Mt 12:38-39; 1 Kor 1:22)

Lemba adwoka pa Abraham ni jalonyo nyuthu lemb nyang maber ikum musana ku giranyutha. Kinde ma jalonyo upenjo Abraham pini cwalo Lazaro ku kind jumutho ni cidho ibang umego pare abic ni yero igi kara kud gibin i masendi mi liel. “.....Gitye ku Musa ku Jubila, wek giwinji.... ka giwinjo ugo musa ku jubila, gicopo yio ungo kadok jucwal ngati acel ma kind ju mutho” (Lk 16:29-31).

## **LEMB JAI I KUM LEMBE I KAJIK CENG.**

### **1. LEMBE NI YO WOKO PA KANISA.**

Yesu obino ungo pi lengo pa Kanisa nyo mugole. Emino pi mugole ma tye ku pidoic pare (1 Kor 2:16; Phil 2:5). Wangeo pidoic pare ne nenedi? Nikum lembe. Ento pol pa dhano ma tucu Yesu ikajik ceng eno otye ku pidoic pare?

Yesu owaco ango?

- Epenjo ku ngeng ka ecopo nwango yioyic ingom (LK 18:8).
- Ene kit yioyic ma kwonga, ma juwodho pil (Jude 3)

Enyutho lembe maber ikum Kanisa landokia ma enyutho isawa mi lembila pi Kanisa cengini ka dwogo pa Yesu (Nyu 3:14-22).

- Waraga eni jugoro ni Kanisa ento ungo judubu (v.14).
- Ayi bedo pare marac onyuthre i (v.15-18).
- Marac musago, Yesu (ma ene lembe) otye yo woko (v.20)
- Yowoko pa adunde juyic ungo, ento pa Kanisa pare madha!
- Maeni ene adwogi marac mi jai ikajik ceng (2 Tes 2:3).
- Giketho jawipiru migi woko man gijai ni ngol pare.

Paul bende onyutho pi nindo marac mi kajik (2 Tim 3:1-8;4:3-4)

- Racu ne bi ai ungo ku yowoko, ento yor iic. (Kwanyo koth Mungu ku yowoko (v.5), en ke nwango e jagamba (v.4) jacib Yesu calo Yuda (Mk. 14:10-11).
- Ebibedo ju ma pidoigi aryo, weg kum, jujai mi pyem.

- Nenedi? Etye ungo ni cayo lembagora kende ento jai ni lembandha (v.8). yero lembacidi, weco rac ikum ponji mandha (v.2), ku kwero tego ne (v.5). ku cibi Yesu (v.4) calo ma judong jurudini mi Juhaudi ma tingiri nia gingeo lemb mandha, olund okwero ngati ma obino ka pongo wi lemandha (Tic 7:52).
- Gibiciru ponji malili ungo gi ju macidho i Kanisa ento gibiloko ithgi cen itok ponji mange (2 Tim 4:3-4).
- Ento gibi weko Kanisa ungo, ento lund gibi ketho juponji igi ma ponjo piny ma giyenyo gi winji (2 Tim 4:3).

Maeni ceke bicoko dhoge ikum jai madit ikum lembe mandha.

- Wingiri bilar bedo tye (2 Tes 2:2-3).
- Maeni ju weco ikum ju mi ngom ungo ento Kanisa.
- Ju mange biweko Kanisa ento ju jai bilund dong i Kanisa, ma giwor ungo ni jutela.
- Jatela nga? Nyinge nga? Nyinge lembe pa Mungu (Nyu 19:13) wingiri bi bino ni kum kwero lembe pa Mungu.

Pimaeno, kajik pa Kanisa idhu bino pa Yesu mir aryo, bibedo calo Israel (Juhaudi) idhu bino pa Yesu mir acel. "Ebino iba pare madha ento pare madha gijole ngo" (Yoh 1:11).

## **2. YUBERE PI THYERERE NI CWAR MUGOLE.**

### **JULWOKE KU PII MI LEMBE.**

Mugole ubeyubere pi ngom pare. Umako watim de kumeno. Nenedi? Ni kum lembe.

#### ➤ **LEMBE NYUTHU CILU.**

- Neon ii lembagora utye calo neon ii marai (kiew) (Yak 1:22-25).
- Enyutho ungo cilu ma yowoko kende ento paro mir adunde ma acidu (Bre 4:12).

#### ➤ **LEMBE KWANYO CILU.**

Calo ma sawa ubino kago ma cwar mugole obeci tingo mugole pare ni tero i paco pare mi polo, pire tek nai cilu ceke umako julwoki obed leng. Pirango? Pien:-

- Zab 24:3-4. "...ngati ma cinge kud adundene julwoko..."

Wacopo lwoko cingwa kud adunde wa nenedi? Nikum lembe ma nyutho cilu ceke.

- Zab 119:9 Jalawobi bilwoko yo pare nenedi? Calku lembe.
- Yoh 15:3 Judwokowu leng calku lembe.
- Yoh 17:17 Dwokgi leng ku lembe peri.

Lembe nyutho cilu man lwoko cilu ma marai (kiew) copo neon ungo.

- Tic 15:9 Lony adunde gi ku yioyic (ilembe).
- 1 Pet. 1:22 Dwok pidoigi leng ni kum woro lemandha.

Lemb-mung mi tego mi lwok ne otye ango? Tipo maleng! Pien Tipo maleng ku lembe gin acel (Yoh 6:63).

- 1 Pet 1:22 ..."nikum Tipo maleng".
- 1 Kor 6:11 ...."lwok, dwoko leng ni kum Tipo pa Mungu".



➤ **JAMBLOGO:** Ayi mi dwoko leng (Jamblwok) itego mi lembe.

- Julam kende macopo mondo yongei lwoko tiendgi ku cinggi (Ai 30:17).
- Jamblogo juyubu ni ai ikum marai mi mola (Ai 38:8).
- Jupongo i jamblogo ne kupii ma tipo wodho en (Poi 9:21; 1 Kor 10:4).

Kago eni Yesu ubedwogo ka thyero ire gire mugole maleng ma poyo ku bel de upe (Efe 5:26-27). Maeni bitimere nenedi?

Nikum lembe.

- Judwoke leng ni kum lwok mi lembe (Ef 5:26).
- Jukabu bel ku poyu ni kum “mo” mi lembe (Zab 19:10; 119:103).

### **3. YUBERE PI KOM MI POKOLEMBE PA KRISTO.**

Lembe yubo mugole pi pokolembes ma bitimere ibino pare.

➤ **POKOLEMBE UBINO IKORWA:**

Nindo moko, jubi poko lembe mi dhano ceke. Ento dhano ceke ungo jubi poko lembe migi isawa marom nyo ikabedo acel.

- Poko lembe idhu komber matar ma bitimere idhu dar mi oro 1000 (Nyu 20:11-15).
- Poko lembe idhu kom pa Kristo idwogo pare kaka ma juyic ceke binyuthri iwange (Rom 14:10; 2 Kor 5:10)

➤ **POKO LEMBE PA KRISTO:**

Ene poko lembe ma ungo pi both, ento pi mio sukulia (1 Kor 3:13-15).

- Ngati man bi weco pire gire (Rm 14:12; 2 Kor 5:10).
- Japok lembe ne obedo Kristo (Yoh 5:22; Tic 17:31, Rm 2:16).
- Kristo ene nga? Lembe (Yoh 1:1; Nyu 19:13-16).

Ka kumeno, Jupoko lembe ne nenedi? Ku jambpim ango? Ndhu lembe.

Lapor ne kumae:- Tic mwa binyuthre man jupime ku mac (1 Kor 3:13-15). Ene mac mi “Kapiny” ungo. Dong ke ene kit mac ango ma nyuthu kit koth tic mwa ne?

- Ango mange ma nyutho? Lembe (Bre 4:12-13).
- Ango mange ma calo mac? Lembe (Yer 23:29).
- Nga tye ku wang calo mac? Yesu Kristo ma lembe (Nyu 1:14; 19:12). Ene ngati ma japok lembe ne.
- Pirango nying wange, calo mac? Pien elokre ku kwinyo? Ungo, ento pien ene wang ma neon ii lembe mandha man eneno ii gin ceke (1 Kor 3:13).

I bino pare makwonga, Rwoth ular ocwalo ngati moko ni yiko yo man dhano (Mk 1:3; Lk 1:17). Marom ku bino pare mir ary, mugole pare omako uyubere ni bedo ayika (Nyu 19:7; 21:2).

Yubiri ni rombo ku Mungu peri (Amos 4:12). Keth ot peri obed ayika (Isa 38:1).

Yubiri pi pokolembe pa Kristo. Keth piny ceke mi kwo peri, man mi kura Jakristo obed calku lembe poi nia ene poko lembne idhu kom pa Kristo, ma ene "Lembe". Piny ceke jubi pimo ku lembe (Rm 2:16).

## **KANISA MI KAJIK MA JUJUBU KU LEMBE.**

### **1. JUJUBE CALU MUGOLE NI CWARE.**

I buku lembanyutha, Yohana onyutho lembe aryo ikum mugole:-

- Nyu 19:7 Dhako pare obedo ayuba.
- Nyu 21:2 Oyubere calo mugole pi cware.
- Mugole copo yubere nenedi? Eyubere rokani pi kuru bino? Nikum lembe.

#### ➤ **MUGOLE MAKWONGA.**

Mugole makwonga upodho ni kum kwero lembe pa Mungu (Tha 3:1).

#### ➤ **MUGOLE MUBIBINO MAKWONGA.**

- Bino pa Yesu makwonga, Ecwalo Yohana Jabaptisi ku dwal mi lembe (Mk 1:2-3) pi yiko dhano pi yubere ni Rwoth (Lk 1:17).
- Dhano ma pagi ma dhe ukwere (Yoh 1:11).
- Mugole mi nindo maeca ma giwinjo lembe pa Mungu ni kum jubila, Yohana, giyubiri. Ebedo ni mutoro ni cwar mugole man cil Yohana de. (Yoh 3:29)

#### ➤ **MUGOLE MI TIC MI JUKWENDA.**

- Paul obedo ku lworu, ma nia calo Eva otimo, nyo Kanisa mi Jukwenda de copo winjo dwal mange.
- Lworu pare ne obedo andha kum Kanisa mi jukwenda de andha urwinyo mer makwonga pi cwar mugole (Nyu 2:4).
- Rwinyo mer makwonga otye kud angu ikindgi ku winjo lembe? Gam ne otye ingeo mer pa Mungu. Wangeo ka wamaro Mungu ni kum maro lembe pare (Yoh 14:15,21,23; 1Yoh 2:5; 5:3; 2Yoh 6).

## **I KAJIKCENG, MUGOLE IBINO MIR ARYO.**

- I ceng ma kwonga pa Kanisa, tipo mi ndra owotho Juyic cen i kum lembe makwonga ma jumio ni ju maleng (1Tim 4:1; 2Pet. 2:1-2; Jude 3)
- I dhu kajik, dhano ma Waco nia gi pare ma dhe, gi bikwero winjo dwande (Lk 18:8; 2 Tes 2:3; 2 Tim 4:3-4, Nyu 3:20).
- Ento mugole mandha pa Kristo biyubere gire pi bino pare man nyom ne (Nyu 19:7).
- Nenedi?Iwokiri calku pii mi lembe (Ef 5:26-27).

Ene andha nia musana ku giranyutha oribre ku ponji ii lembariba manyen (1 Kor 2:1-5; Bre 2:3-4). Ento musana umako ungo oting kakabedo pa lembe, kende nia enyutho lembe ne ni bedo ku tego (Mk 16:20; Tic 14:3). Enyutho yo mi lembe mandha ma tye kud ajiki mi rwinyo ungo. Lembe pire ular obedo tek.

I dwoko wec pa Yohana Jabaptisi, Yesu onyutho kit ma musana nyutho kudu lembe (Mt 11:3-5).

- Kinde ma jupenje ka etye ngati mubino nyutho pi ker, pirango Yesu udwoko lembe i kum musana muribre ku tic pare?
- Pien i lembe, musana eno gi uribre ku bino pa ker (Isa 29:18, 35:4-5).
- Pimeno, giranyutha ku musana obedo ni alama ma telo wijo i kum lembe ma copo daro gamo penji migi.

Ene lembe, musana ungo, mubedo ni jambpim i lembariba macon (Poi 13:1-3). Mapodi de etye tin eni.

Kanisa mange mapol Rwoth kukume biwondo gi ku yori musana ku giranyutha mi ndra ni kum pidoic migi mubedo rac i kum lembe.

- Pien gikwero ni jolo lembe mandha (Yoh 17:17). Mungu kukume bi cwalo igi tipo mir awondi ni telo wi ju ma giribri ii Jai mi (2 Tes 2:3) ni yio i ndra (2 Tes 2:9-11).
- Marom kud ucidh i Kanisa ma ujai ni ponji mandha man giloko ithgi cen i kum lemandha gi bilund yio ilemb ndra (2 Tim 4:3-4). Nga cwao wanggi i kum ndra? Yehova kukume.

Lembndra jucwalo ungo pi tingo dhano ma beco i kum lembe. Ebedo ni lembapoka ma jucwalo ni dhano mukwero lembe pare. (1Ub 22; Yoh 12:16-17; Zab 81:11-12; Isa 66:3; Ezk 14:9).

#### ➤ **WACOPO SAGU NENEDI?**

Lworo kud unegi. Kadok nwango dhano ma welgi nok udong mandha ikum yioyic makwonga, ma nwango mapol ulubu tok yioyic ma cwinygi oyenyo, mugisa madit bibedo ni ju mubedo mandha.

Moses onyutho pi giranyutha mi ndra pa weg magic mi Jumisiri kinde ma gicungu jadhoge. Ma ebi bedo rom idhu kajikceng. (Ai 8:18;9:11, 2 Tim3:9).

Wacopo sagu gi nenedi? Ku lembe kende.

- Kinde ma Jubidhu Yesu ku musana, Yesu sagu ku lembe (Mt 4:1-11)
- Jumuloko cwinygi ibang Jakwenda Yohana gisagu ngati marac iyore marom. Nikum lembe. Kadok judhog juyic ubedo dwong, re Yohana oweco ku tegocwinye kumae; “wutek ni kum lembe pa Mungu mubedo iiwu, uketho musago ngati marac (1 Yoh 2:14).

Watye idhu kajik, Bed nger.

- Kadok giranyutha ku musana mi tego madit, moki i kum lembe makwonga mu miyere iri ni kum Tipo maleng.
- Kadok malaika muai ipolo obino ku lembe, Jai man imok ikum lembe makwonga (Gal 1:8).

- Kadok jutic mi bedopwe man malaika mi der obino en, moki ikum lembanyonga makwonga (2 Kor 11:3-4, 13-15).

Ento lembjai otye ngete kucel pa uda pa Kanisa mi kajikceng.

## **KAYO KAC NI KUM LEMBE I KAJIKCENG.**

### **1. KODHI MI LEMBE.**

Jupenjo Samson, Nyuth ira kama tego peri ai iie "(Jup 16:6). Dhano mapol penjo kama tego mutye i lembe ai iie. Pein etye calo "kodhi" (Lk 8:11).

#### ➤ **LEMBE MI KWO (Phil 2:16).**

- Kodhi bedo ku piny iie ma dhano copo cwio ungo, kwo.
- Etye rom ku kodhi mi lembe (Yoh 6:63; Tic 7:38; Heb 4:12).
- Kodhi copo bedo naka ka jugwoke kaka maber.
- Kwo mutye i kodhi mi lembe bitho ungo (Isa 40:8, Mt 24:35, 1Pet 1:23).

Andha, lembe utye kwo. Ento kwo ne ai kani?

#### ➤ **YUYO PA MUNGU.**

Kwo mutye i kodhi mi lembe otye ku tego madit iwi ngom. Mungu oyuyo yuyo pare, ma ene Tipu pare, ii lembagora ceke (2 Tim 3:16; 2 Sam 23:2)

Ango mutimere kinde ma yuyo pa Mungu, Tipu mi kwo umondo ii:-

- Utur mi ngom (Thang 2:7, 7:22)?
- Jumulembe mi kajikceng ma yedi unego (Nyu 11:11)?

Enu re muketho lembagora owaco.

- Lembe pa Yesu otye kwo kende ungo ento Tipu (Yoh 6:63).
- Nia polo ku ngom ocwiyere ni kum lembe pa Mungu man yuyo mi dhoge (Zab 33:6)

#### ➤ **TIPU KU LEMBE GIN ACEL.**

Lembe (ene kodhi) man Tipu (kwo mi kodhi) kindgi pokere ungo iribri migi.

- Bre 4:12-13 lembe ecalo pala mularu.
- Ef 6:17 Lembe ecalo pala mularu mi Tipu.
- 1 Pet 1:23 Nyol ma ku lembe.
- Nyol ma ku Tipu (Yoh 3:5).
- Ef 5:26 judwoko leng ku lwok mi lembe.
- 1 Kor 6:11 julwoko, judwoko leng ni kum Tipu.
- Kol 3:16 wer mi Tipu ma wok nikum lembe mi iwa.
- Ef 5:18-19 wer mi Tipu ma nikum Tipu mi iwa.

Ka kumeno, lembe otye ku kwo kende ngo (Tic 7:38, Bre 4:12; 1 Pet 1:23), ka jukethe ingom maber (Yak 1:21) etye ku tego mi Tipu ma ketho ju muwinjo yio, man wore.

- Kinde ma dwal mu ai i Polo uweco lembe ni Jabila Ezekiel, Tipu olund umondo ii Jabila oketho eyio ni woro lembe (Ezek 2:1-2).

## **2. KODHI BINO I KUM CEGO NYING I KAJIK.**

Junwango bero i kwo mutye ikodhi nwango jupidhe ingom maber. Etye Rom ku kodhi mi lembe de, etwi man edongo ikum tegni, nwango jupidhe adunde maber.

Lembe omako jujol ku pidoic maber ka uromo junwang bero ikume (Yak 1:21).

### ➤ **LEMBABOLA PA JACO I KODHI (AYI PA NGOMBE).**

Lembabola maeni (Mt 13:1-23; Mk 4:1-20; Lk 8:4-15) jutio ku jaco i kodhi mandha kara uponj adwogi matung tung kit ma lembe ma jucopo mondo kudu ii adunde ku pidoic matung tung mi dhano (Mk 4:15).

- **NGET NGUDU:-** Otye ngom ma tek, lak kodhi copo mondo ngo man owinyo bino okwanye.
- **CANA, KIDI,** kama ngom nok iie – kodhi utwi ento lake copo mondo ungo man tego mi ceng uthwoye.
- **UKUDHU** – Kadok kodhi mutwi ikind ukudhu uvoyo uwinyo ku tego pa ceng, etwi man edongo cil i kum cego nyinge ento nying macuu ungo kum gwok. Ubedo upe ikume, lonyo ayunga ku piny mange nge udiyo kwo mi iie.
- **NGOM MABER** – Kodhi maeni ocego nyinge maber pien lembe moko matung tung upe ma osende i dongo pare.

Ango mutye nying kodhi mi lembe macek ne, kac ne? Tic atima? Ngeongec pa dhano? Nyo piny moko mange? Kapodi wagamo penji maeni ungo, wake wanen lembabola mange.

### ➤ **LEMBABOLA PA DONGO PA KODHI MUTWI (I UDA PA KANISA MI JUKWENDA).**

Mk 4:26-29 nyutho ayi dongo pa kodhi mi lembe. Enyutho kit ma ebeto ka sagre kudu idongo ii adunde jayic mandha man dongo pa lembe ii uda pa cakre pa Kanisa.

- Kukwonga, kodhi mi lembe makwonga, ma Tipo mio en (Gal 1:12) re ma jucoyo (Tic 20:20, 27; Rm 15:19; 2 Tim 4:17; Jude 3).
- Ndhu ndhu eca ii acaki, tipo mi ndra (1 Yoh 4:6) owook kacungu jadhu Tipo mi lemandha (Yoh 16:13), kayero lembanyonga matung (Gal 1:8-9; 2 Kor 11:4). Yongei rundi mucidhu, lembe makwonga ocako Rwinyo ni kum sagri pa jukwenga mi ndra, jubila ku juponji mi ndra (2 Kor 11:3; 2 Pet 2:1; 1 Yoh 4:1).
- Enen calo piny moko upe ma otimere ikum kodhi mi lembe. Kodhi ne obedo asu ingom. Kadok enen calo erwinyo, kara dong dhano moko ukano kit yioyic ne (Nyu 2:13).
- Nindo acel kadong kwo pa kodhi makwonga onyuthre iwi ngom, ma etwi ku cako dongo.
- Etar ewodho ithe ikum tyende. Kadok kwo mi kodhi makwonga tye ikum kor tyende, tyende ne omitu nen ungo calo pa Makwonga.

- Yongeeye owok “ith ma winjo”, ewinjere man nen calo makwonga, ento podi erombo kude ngo.
- Matokcen ne olund owok nyinge ikum ithe. Kama kodhi makwonga onyuthre ku cego nyinge ma urombo ku kwo mi makwonga ku nyutho tic marom ku pa kodhi makwonga.
- Kinde ma nyinge unyuthre, kac ucakere pi dwoko idero.

Nying kodhi ma jucopo ikacak otye ango? Ka kodhi makwonga obedo lembe mandha mazo, ci omako kac mi kajikceng obed, Juyic mandha.

- Tundu ikum yioyic ma cal acel, (Ef 4:13-14) ither ponji.
- Ma gibinyutho ikwo migi tic ma ribre ku lembe mi kathere makwonga pa Jukwenda.

### **3. AYI KOTHI KAC NE I KAJIK CENG.**

#### **LEMBE DOKO KUM.**

Wake wanen ayi kac ma nikum kodhi mi lembe idhu kajikcen.

#### ➤ **NYINGE MACAL KU KITE.**

Ka jupidhe, kodhi nyolo mange ma ie ju kwo. Kit kwo nyo nyinge ma nenedi ma ewodho? Ewodho kwo marom mubedo ii kodhi makwonga ma jular jupidho.

- Thang 1:11-12 - Calku kite.
- Gal 6:7 - ikayo piny ma icoyo.
- Mt. 7:17-18 - Yen maber cego nyinge maber man yen marac de cego nyinge marac.
- Yak 3:12a - Yen ulam copo cego uloki?
- Mt. 7:16 - Dhano copo koko nying ulok kud ikum okudhu?

Etye lembe marom, kadok ku kwo pa yedi. Lapor, yedi ngu copo loko kume ma cukucuku? (Yer 13:23). Copre ungo, Pien, kwo ma tye ikodhi ma eai iie otye pa Ngu, man kwo ma wodho kum ma cuku cuku.

#### ➤ **NYINGE MI KODHI MI LEMBE.**

Calo ma etimere ikum, mi tipu de bedo kumeno.

- Jakristo madha junyole ni kum lembe pa Mungu (Yak 1:18, 1Pet. 1:23).
- Calo lembe tye tipu (Yoh 6:63) Enyolere ni kum tipu pa Mungu (Yoh 3:5; Titu 3:3).
- Calo ma enyolere ni kum Mungu, Mungu ene wone, man kodhi pare bedo iie (1 Yoh 3:9).

Maeni nyutho ango?

- Nyathin pa Mungu mandha nyutho kit kwo matye i Mungu, ikura, man ikum kite ma ekwo kudu. (2 Pet 1:4; Bre 12:10) Pien kodhi pare ubedo iie.
- Awia pare kendo binyutho kwo mi koth Tipu mutye i lembe ikum. Pirango? Pien ka icoyo lembe, ikayo lembe. Kodhi omako uceg nying calkud ayi ne (Thang 1:11)
- Nyithindho pa Mugu gitye giranyutha mu ai ni kum lembe, waraga makwo pa Kristo. Dhano kwano gi ni kum kura migi (2 Kor 3:3), ma umako ginyuth Kristo Yesu.

- Cwar dhako ma jayic ungo copo lokocwinye ni kum lembe awinja Ungo, ento ku kwano lembe pa Mungu ma nyuthre ikura kwo pa dhako pare ma ku ba ceng. (1 Pet 3:1).

➤ **MUNGU IWOTE: JAYIC** ma junyolo nyen calo waraga makwo.

Jayic mandha ma junyolo nyen, kwo pare nyutho lembe. Cil calo Yesu ene lembe (Yoh 1:1; Nyu 19:13), Jayic ne esagre inyutho kwo ku koth Yesu sawa ceke.

- Yoh 14:27 – Kwicwiny pa Yesu ento Ungo kwicwiny ibang Yesu.
- Yoh 15:11 – Mutoro pa Yesu ento Ungo mutoro ibang Yesu.
- 2 Kor 5:14 – Ungo mar pi Yesu ento mer pa Yesu.
- 1 Kor 2:16 – Ungo ngeo pidoic pa Kristo ento bedo ku pidoic pa Yesu.
- Gal 2:20 – kwo Ungo ku yioyic iie ento ku koth yioyic ma pare.
- Phil 1:8 – Ava pa jumange calkud ava Kristo.
- 2 Tes 3:8 – Ungo itwicwiny ku Yesu ento i twicwiny pa Yesu.
- 2 Kor 11:2 – Ngiri ma calku ngiri pa Mungu.

Yaw Mugisa!

- Yesu obedo lembe ikum (Yoh 1:1, 14), Eponjo kende Ungo ento ekwo calku lembe.
- I Biblia wakwano pi Mungu calo ma wacopo ngeye man pore kudu ento i Yesu waneno gin ma ene Mungu ma wakwano pire (Yoh 1:18).
- Gin ceke ma eyero obedo nyuthonyuth pa Mungu (Yoh 5:19,30; 8:28; 12:49).
- Biblia otye lembe ma jugoro ento Yesu otye lembe ma onyuthre muai agora.

Ni kum junyolo wa ni kum kodhi mi lembe,

- Etye ngo lembagora kende re ma nyuthre ikwo mwa,
- Ento Yesu, ma ene lembe ikum, re manyuthre yori nying tipo ma wok ikwo mwa.

Wa calo en:

- 1 Yoh 2:6 - i tic mwa.
- 1 Yoh 3:3 – i lengcwiny mwa.
- 1 Yoh 3:7 – i Bedopwe mwa.
- 1 Yoh 4:17 – i piny cekem calo ma etye, wan de ingom ka kumeno, kodhi mi lembe ii adunde maber wodho kwo mi katherine makwonga, Yesu.

Ma ngeng upe, Biblia owaco, Jatipodho ubekuru nying cam ma pire tek mi ngom, ma etwio cwinye ikume (Yak 5:7).